



詞	歷
仄	代
川	兩
傳	漸

無錫王蘊章題為



天津市人民圖書館  
藏書印



夢坡室感板

詞 仄 川 傳

歷 代 兩 漸

序

詞學託始唐之開天盛於北宋極盛於南宋當宋之世若閩若贛號稱詞苑多才顧猶不逮兩浙何耶蓋自南渡首都臨安湖山靈闕風雅所興高孝右文有宣政流風餘韻趙昂以賦拒霜邀眷賚甄龍友以才華見賞雖清狂悟俗不爲嫌是時東南士夫嚮風競爽浙士近光輦轂尤宜家擅倚聲重以開其先者若煙波釣徒雲破月來花弄影郎中襟抱神韻之閒妙造不可一世乃至清真一集深美閎約兼賅眾長爲兩宋關鍵自時厥後覺翁崛起四明以空靈奇幻之筆運沈博絕麗之才繼歷代兩浙詞人小傳

序

一

幽技潛開徑自行凝然爲斯道高矩又後草窗碧山龜谿二隱輩熏香掬豔異曲同工以審定宮律言知音如紫霞翁亦當於詞壇別樹一幟兩浙詞家之導源引緒如此所繇雅音遠姚繇翼勿替下逮有元仇仁近趾美於前其詞清麗和雅邵復孺耀藻於後其詞道秀精密蓋猶有兩宋之遺音焉 國朝詞學蔚興幾於方駕天水承 列聖熙洽治世安樂之貽握蘭荃詠棘任者奚啻千百氏別黑白而定一尊吾必以金風亭長爲巨擘焉其所爲詞繇精穩進於沈著不失其爲格調之正也兩浙詞人之名歸實至又如此雖無庸以多爲貴乎然

而鐘呂既陳八音絳會同聲之應不期而然於稽其數  
曷勝僂指烏程周夢坡先生劬學媚古餘事填詞既於  
西谿秋雪庵後建築歷代兩浙詞人祠堂復甄輯詞人  
小傳最如千家晨書瞑寫付梓以行其以詞傳人者尤  
有合於顯微闡幽之旨甚盛事也抑余重有感焉詞之  
極盛於南宋也方當半壁河山將杭將汴一時騷人韻  
士刻羽吟商甯止流連光景云爾其犖犖可傳者大率  
有忠憤抑塞萬不得已之至情寄託於其間而非曉風  
殘月桂子飄香可同日語矣夢翁裒裒清復於詞境爲  
最宜設令躬際承平出其象筆鸞箋以鳴和聲之盛雖  
歷代兩浙詞人小傳

序

二

平揖蘇辛指麾姜史何難矣乃丁世劇變戢影滄洲黍  
離麥秀之傷以眡南渡羣公殆又甚焉開天全盛何堪  
回首韓陵片石而外唯是古人與稽風雨一編輒復按  
譜尋聲以自陶寫其微尙所寄方之兩浙詞人於吳勉  
道錢玉潭爲近斯人可作庶幾引爲同調乎

歲在壬戌重九前五日臨桂况周頤序於滬上賃廡之  
天春樓

序

詞與詩均三百篇之遺然詞林故實殊少專書詞話作者雖多要皆碎金片玉僅楓江漁父詞苑叢談一書蔚成大觀餘如秀水朱氏之宏博青浦王氏之淹雅海鹽黃氏之精審亦僅網羅橄逸選錄名篇爲藝林增重未嘗爲詞家作史傳也余嘗論之詩詞雖所以吟詠性情然亦可以考其邑居氏族與其家世之盛衰君國之感遇懷抱之蘊蓄作者之遭際萬殊則其流露之情感亦異詩有詩史詞亦有詞史樂府補題所載詠蟬龍涎白蓮等什皆天水遺民寓其麥秀黍離之感下至近人如

歷代兩浙詞人小傳

序

一

臨桂王半塘鷓鴣天詠史之作皆與時事有關苟無人焉爲之爬梳其寓義抉剔其隱微則作者之精神或徒耗於寸楮尺墨間而末由自見况詩人少達多窮詞律矜嚴作者較少苟有鶩精役神不憚致力於此者大抵憂傷憔悴之士羌靈修之難問徒芳潔而誰諒纏綿悱惻猶是國風怨誹之旨離騷荃蓀之託其詞雖工其遇愈可悲矣然則補白石之小傳訂碧山之雅音俾花間草堂長留清響而後之讀其詞者低徊往復尙友其人徵獻論文亦得有所考訂不猶愈於詞話等書但供翫律選聲之用嘯餘談塵之助者哉懷此有年卒未屬草

近修復杭州西溪之秋雪庵地極幽僻高人逸士往往  
吟歎其間然勝蹟不常湖山久寂因念吾浙自南宋以  
還詞家輩出大雅鱗萃維桑與梓必恭敬止每當秋蘆  
作花雪壓篷背詞境清絕靈風颯然素雲黃鶴恍惚遇  
之旣構厯代兩浙詞人祠堂於庵之左隙肅修祠典復  
輯諸詞人小傳以寄伊人秋水之思通州白君曾然首  
建此議無錫王君蘊章助余搜采因得早觀厥成殺青  
旣竟輒志其緣起椎輪初製不無疏漏之處於以發思  
古之幽情作粃糠之先導則猶是生平微尙之所寄也  
同聲之士或躉余言壬戌重五烏程周慶雲

厯代兩浙詞人小傳

序

二

元真子象



摹費丹旭畫本

楊祥印

元	領	波	与	纓	綠
真	袖	一	間	敝	簔
子	詞	唱	鶯	屐	青
象	仙	梅	脰	麤	笠
贊	壬	笛	湖	官	風
	戌	長	中	桃	骨
夢	秋	寒	西	花	高
坡	九	白	塞	流	騫
題	月	雲	山	水	早
		黃	前	盟	謝
		鶴	烟	鷗	簪

歷代兩浙詞人小傳卷一目錄

唐

張志和 皇甫松

南唐

徐 鉉

歷代兩浙詞人小傳

卷一目錄

一



約 錄

南 唐

張志和 皇甫松

南 唐

歷代兩浙詞人小傳卷一目錄



歷代兩浙詞人小傳卷一

烏程周慶雲纂

唐

張志和

志和原名龜齡字子同金華人以明經擢第獻策肅宗得待詔翰林授左金吾衛錄事叅軍貶南海尉經量移不願之官扁舟江湖自稱煙波釣徒憲宗命物色之不能致著元真子十二卷亦以自號所作漁父詞冠絕千古

歷代詩餘

皇甫松

歷代兩浙詞人小傳

卷一

一

松一作嵩字子奇睦州人工部郎中湜子其望江南詞云蘭燼落屏上暗紅蕉閑夢江南梅熟日夜船吹笛雨瀟瀟人語驛邊橋樓上寢殘月下簾旌夢見秣陵惆悵事桃花柳絮滿江城雙髻坐吹笙風神獨絕雅韻欲流

歷代詩餘

花間集

南唐

徐鉉

鉉字鼎臣會稽人父延休唐乾符中進士後仕吳遂家廣陵鉉與弟錯俱知名時號二徐鉉始仕楊溥爲秘書郎李昇時知制誥煜時累遷翰林學士歸宋爲直學士

院給事中散騎常侍淳化初坐累黜靜難軍司馬卒於  
邠有徐常侍集三十卷 歷代詩餘

歷代兩浙詞人小傳卷一終

歷代兩浙詞人小傳 卷一

歷代兩浙詞人小傳卷二目錄

宋一

錢惟演 謝絳 林逋 杜衍 葉清臣

元 絳 劉述 張先 韋驥 楊適

毛滂 沈括 舒亶 朱服 丁注

俞紫芝 潘元質 周邦彥 方千里 周煇

周玉晨 劉燾 葉夢得 江緯 呂本中

沈會宗 周銖 李光 陳克 潘良貴

江漢 沈與求 吳益 徐伸 劉一止

呂濱老 姚寬 趙昂 陸維之 姜特立

歷代兩浙詞人小傳 卷二目錄 一

陳亮 關注 倪偁 葛立方 魏杞

史浩 王淮 湯思退 姚述堯 葛郊

梁安世 范端臣 甄龍友 王十朋 樓鑰

沈瀛 朱藻 方有開 許及之 樓鑰

陸淞 陸游 徐似道 章良能 李廷忠

謝直 高似孫 史彌遠 王居安 沈端節

王自中 管鑑 蘇洵 蔡幼學

蘇九兩浙詞人小傳卷二目錄

歷代兩浙詞人小傳卷二

烏程周慶雲纂

宋

錢惟演

惟演字希聖吳越王俶之子少補牙門將歸宋為右屯衛將軍召試學士院改太僕少卿累遷至樞密使罷為鎮國軍節度觀察留後改保大軍節度知河陽入朝加同中書門下平章事坐擅議宗廟又與后通婚落平章事以崇信節度使歸鎮卒贈侍中諡曰思改諡文僖有擁麾集 歷代詩餘

歷代兩浙詞人小傳

卷二

謝絳

絳字希深其先陽夏人祖懿文為鹽官令葬富陽遂為富陽人居富陽小隱山別築室曰讀書堂構雙松亭於前倚山臨江雜植花果沼荷圩稻頗愜幽人之居以父濤任試秘書省校書郎大中祥符八年舉進士甲科累遷兵部員外郎擢知制誥判吏部流內銓太常禮院出知鄧州卒有集五十卷 歷朝詞人考畧 富春遺事

林逋

逋字君復錢塘人少孤力學不事進取放游江淮間久之歸杭州結廬西湖之孤山二十年足不及城市梅妻

鶴子可稱千古高風真宗賜以粟帛詔有司歲時勞問  
及卒仁宗賜諡和靖先生有和靖先生集詞附歷代詩  
餘 金粟詞話

杜衍

衍字世昌山陰人擢進士甲科補揚州觀察推官仁宗  
朝爲御史中丞遷刑部侍郎同平章事集賢殿大學士  
兼樞密使封祁國公卒贈司徒兼侍中諡正獻退寓南  
都凡十年第室卑陋居之裕如其滿江紅云知富貴誰  
能保知功名何時了算簞瓢金石所爭多少玩其詞意  
可想見其冲夷曠達不驚榮利矣歷代詩餘 歷朝詞

歷代兩浙詞人小傳

卷二

二

人考畧

葉清臣

清臣字道卿烏程人

歷代詩餘  
作長沙人

天聖二年舉進士對策

擢第二授太常寺奉禮郎累官翰林學士權三司使皇  
祐初罷爲侍讀學士知河陽卒贈左諫議大夫有集一  
百六十卷其賀聖朝詞云不知來歲牡丹時再相逢何  
處與歐陽永叔浪淘沙詞云可惜明年花更好知與誰  
同皆有不盡之意按宋史本傳以清臣爲長洲人今據  
吳興掌故集更正濱洲秋語

元絳

絳字厚之錢塘人天聖八年進士調江寧推官攝上元令  
歷永新海門令擢江西轉運判官知台州入爲度支判官  
以直集賢院爲廣東轉運使遷工部郎中歷兩浙河北轉運使  
拜鹽鐵副使擢天章閣待制知福州進龍圖閣直學士徙廣越荆南爲翰林學士知開封府拜三司  
徒參知政事知潁州加資政殿學士留提舉中太一宮以太子少保致仕卒贈太子少師謚章簡有映山紅慢詠牡丹詞萬氏詞律失載徐氏詞律拾遺補收之

歷朝詞人考畧

### 劉述

歷代兩浙詞人小傳

卷二

三

述字孝叔湖州人景祐元年進士爲御史臺主簿神宗立召爲侍御史以久次授吏部郎中兼判刑部坐不以王安石爭謀殺刑名爲是又與劉琦錢顛其上疏劾安石出知江州踰年提舉崇禧觀卒紹興初贈祕閣修撰方仕之際已淡於進取撰家山好一闋以見志曰挂冠歸去舊烟蘿閒身健養天和功名富貴非由我莫貪他這歧路足風波水晶宮裏家山好物外勝游多晴溪短棹時時醉唱裏稜羅天公奈我何

嘉泰吳興志

湘山

野錄

歷朝詞人考畧

### 張先

先字子野吳興人天聖八年進士知吳江縣爲嘉禾郡  
倅晏殊尹京兆辟爲通判累官都官郎中詩格清麗尤  
長於樂府晚歲優游鄉里常泛扁舟垂釣爲樂至今號  
張公釣魚灣東坡倅杭數與唱酬有安陸集詞一卷歷  
代詩餘云子野居杭州嘗創花月亭有子野詞一卷客  
謂子野曰人咸目公爲張三中以公詞有心中事眼中  
淚意中人也子野曰何不謂之張三影客不喻子野因  
舉雲破月來花弄影嬌柔嬾起簾壓倦花影柳徑無人  
墜輕絮無影告之然有以浮萍斷處見山影隔牆送過  
秋千影與雲破月來句並稱三影者而靜志居詩話云  
歷代兩浙詞人小傳

卷二

四

子野吳興寒食詞中庭月色正清明無數楊花過無影  
其工絕在世所傳三影之上則子野以影得名多矣

賈

洲秋語

嘉泰吳興志

直齋書錄解題

韋驤

驤字子駿錢塘人年十七王安石見其借箸賦大奇之  
皇祐五年進士累遷至屯田員外郎改朝奉郎至少府  
監簿元祐初薦擢利路運判移福建路召爲主客郎中  
後出爲夔路憲知明州乞閒提舉洞霄宮有文集二十  
卷賦二十卷詞一卷宋史翼稱子駿秀眉水骨樂易靜  
退孝友廉平文章藻麗有宿儒循吏之風然其菩薩蠻

和舒信道水心寺會次韻一闕信道曾構坡公則子駿  
擇交不無可議矣贅洲秋語

楊適

適字韓道慈溪人仁宗時賜粟帛嘉祐中授將仕郎試  
太學助教不赴自署慈川逸民隱居大隱山鄉人皆稱  
大隱先生其題文亭館長相思卜算子二闕爲近沈著  
贅洲秋語

毛滂

滂字澤民江山人元祐間爲杭州法曹元符二年知武  
康縣改盡心堂爲東堂簿書獄訟之暇輒觴詠自娛尋  
歷代兩浙詞人小傳卷二 五

訪山水發諸文章蘇東坡嘗以文章典麗可備著述科  
薦之官至祠部員外郎知秀州有東堂集十卷樂府二  
卷東堂詞跋 嘉泰吳興志 歷朝詞人考畧

沈括

括字存中錢塘人以父任爲沭陽主簿登嘉祐八年進  
士第編校昭文書籍爲館閣校勘遷太子中允擢知制  
誥拜翰林學士權三司使爲蔡確所論以集賢殿學士  
知宣州復龍圖閣待制知審官院又出知延州以副种  
諤討拔銀宥功加龍圖閣學士坐失援謫均州團練副  
使元祐初徙秀州繼以光祿少卿分司居潤卒括博學



無所不通多所論著長興集又有夢溪筆談

歷代詩餘

舒 亶

亶字信道慈谿人治平二年第進士調臨海尉歷審官院主簿遷奉禮郎擢太子中允提舉兩浙常平元豐初權監察御史裏行加集賢校理同李定劾蘇軾作詩譏訕時事軾坐貶官未幾同修起居注超拜給事中爲御史中丞坐在翰林受廚錢越法追兩秩勒停崇寧初知南康軍徙知荆南由直龍圖閣進待制卒贈直學士有集嘗作菩薩蠻詞云江梅未放枝頭結江樓已見山頭雪待得此花開知君來未來風帆雙畫鷁小雨隨行色

歷代兩浙詞人小傳

卷二

六

空得鬱金裙酒痕和淚痕王阮亭極賞此詞常曰鍾退谷評閻邱曉詩謂具此手段方能殺王龍標此等語乃出渠輩手豈不可惜

歷朝詞人考畧

詞苑叢談

朱 服

服字行中烏程人熙寧中登進士甲科累官國子司業居舍人以直龍圖閣知潤州徙泉婺寧廬壽五州紹聖初召爲中書舍人歷禮部侍郎坐與蘇軾游貶海州團練副使蘄州安置改興國軍卒其至東陽郡齋作漁家傲詞以寄意

歷代詩餘

烏程舊志

丁 注

注字葆光歸安人居清源門外前臨茗水築山鑿池號  
曰寒巖臨茗有茆亭或稱爲茅菴丁家熙寧六年進士  
知永州有丁永州集三卷世所傳催雪無悶及重午慶  
清朝皆有承平閑雅氣象歷朝詞人考畧 直齋書錄  
解題 吳興掌故

### 俞紫芝

紫芝字秀老金華人游寓揚州少有高行喜作詩人未  
知也與弟澹俱從黃山谷游有敝帚集題張公詡青溪  
圖臨江仙詞云弄水亭前千萬景登臨不忍空回水輕  
墨淡寫蓬萊莫教世眼容易洗塵埃收去雨昏都不見

歷代兩浙詞人小傳

卷二

七

展時還似雲開先生高趣更多才人人盡道小杜卻重  
來此詞世少知者山谷書秀老詞刻石金山寺者調寄  
阮郎歸雞林每入貢輒市模本數百以歸茗溪漁隱叢  
話 能改齋漫錄

### 潘元質

元質字未詳金華人工倚聲嘗賦倦尋芳詞云獸環半  
揜鴛鴦無塵庭院瀟灑樹色沈沈春盡燕嬌鶯姘夢草  
池塘青漸滿海棠軒檻紅相亞聽簫聲記秦樓夜約彩  
鸞齊跨漸迤邐更催銀箭何處貪歡猶繫驄馬旋翦鏡  
花兩點翠眉誰畫香滅羞回空帳裏月高猶在重簾下

恨疏狂待歸來揉碎花打綠情綺靡活色生香雖無專  
集而一斑已足窺全豹矣皴水軒詞筌謂爲蘇養直作  
注又稱一云元質作近人況氏蕙風斷爲元質手筆且  
引其醜奴兒慢詞相證蓋體格政相類也

蕙洲秋語

### 周邦彥

邦彥字美成錢塘人元豐中獻汴都賦召爲太學正徽  
宗朝仕至徽猷閣待制出知順昌府徙處州復以待制  
提舉南京鴻慶宮自號清真居士邦彥妙解聲律樞寫  
物態曲盡其妙爲詞家之冠有清真集二卷片玉詞二

卷四庫全書提要

詞綜

歷代兩浙詞人小傳

卷二

八

### 方千里

千里三衢人仕履未詳有和清真詞同時楊澤民樂安  
人有續和清真詞時人合周邦彥方千里詞刻之號三  
英集

歷代詩餘

### 周煇

煇字昭禮邦彥子少小嘗從同舍金華潘元質和人春  
詞有捲簾試約東君問花信風來第幾番潘曰宮體也  
語太弱則流於輕浮又嘗和人蠟梅詞有生怕凍損蜂  
房膽瓶湯浸且與溫存著規警如前朋友琢磨之益老  
不敢忘著有清波雜志十二卷別志三卷行世梅史三

十卷不傳 清波雜誌

周玉晨

玉晨字晴川邦彥從子有晴川詞其十六字令云眠月影穿窗白玉錢無人弄移過枕函邊程鉅夫曰予於近代諸家樂府惟清真集犖然當於心目晴川殊有宗風詞苑叢談 古今詞話

劉 燾

燾字無言長興人未冠補太學生元祐二年第進士甲科歷安撫使管勾官至秘閣修撰有見南山集五十卷樂府雅詞拾遺曾載其花心動詞一闕 歷朝詞人考畧

歷代兩浙詞人小傳

卷二

九

葉夢得

夢得字少蘊烏程人

據湖州府志葉元輔始居烏程至夢得已四世宋史列傳作吳縣人

謫

紹聖四年進士累遷翰林學士極論士大夫朋黨之

弊專於重內輕外且乞身先眾人補郡以龍圖閣直學士知汝州尋落職提舉洞霄宮自是或起或廢逮高宗駐蹕揚州除戶部尙書遷尙書左丞與宰相朱勝非議論不協除資政殿學士提舉中太一宮辭不拜歸湖州紹興初起爲江東安撫大使兼知建康府移知福州兼福建安撫使平寇五十餘羣然頗與監司異議上章請老著有石林詞一卷味其詞婉麗綽有溫李風晚歲落

其華而實之能於簡淡中時出雄傑合處不減靖節東坡之妙晚居弁山下嘯詠自娛卒贈檢校少保

宋史列傳

水東日記

關注石林詞序

毛晉石林詞跋

### 江緯

緯字彥文三衢人元符中爲太學生徽宗登極賜進士及第除太學正政和末爲太常少卿改除宗正少卿出知處州自題讀書堂詞調寄向湖邊云退處鄉關幽棲林藪舍宇第須茅蓋翠清泉啟軒窗遙對遇等閑鄉里過從親朋臨顧草草便成幽會策杖攜壺向柳邊花外旋買溪魚便斫銀絲鱠誰復欲痛飲如長鯨吞海其

歷代兩浙詞人小傳

卷二

十

惜醺酣恐歡娛難再矧清風明月非錢買休追念金馬玉堂心膽碎且鬪尊前有阿誰身在見花草粹編其作於括蒼罷守之後乎追念玉馬金堂則淵冰之惕懼深矣

玉照新志

歷朝詞人考畧

### 呂本中

本中字居仁學者稱東萊先生金華人元祐宰相公著之曾孫以遺表恩授承務郎元符中主濟陰簿泰州士曹掾辟大名府帥司幹官宣和六年除樞密院編修官靖康改元遷職方員外郎紹興六年特賜進士出身擢起居舍人引疾乞祠主管太平觀召爲太常少卿遷中

書舍人兼直學士院秦檜諷御史蕭振劾罷之卒諡文  
清有東萊集二十二卷紫薇詞一卷 歷朝詞人考畧

沈會宗

會宗字文伯吳興人賈耘老舊有水閣在苕溪之上景  
物清曠東坡作守時屢過之題詩畫竹於壁間會宗爲  
賦小詞云景物因人成勝概滿目更無塵可礙等閒簾  
幕小闌干衣未解心先快明月清風如有待誰信門前  
車馬隘別是人間閒世界坐中無物不清涼山一帶水  
一派流水白雲長自在 苕溪漁隱叢話

周 銖

歷代兩浙詞人小傳

卷二

七

銖字初平鄞縣人崇寧二年第進士官中牟簿初平詞  
未經前人箸錄惟四明近體樂府有驀山溪一闕語特  
疏俊正不必以多爲貴也 歷朝詞人考畧

李 光

光字泰發上虞人崇寧五年進士知常熟縣欽宗受禪  
擢右司諫高宗紹興元年擢吏部侍郎歷官至參知政  
事忤秦檜意改提舉洞霄宮爲万俟卨呂愿中前後論  
劾再謫至昌化軍後以郊祀恩復朝奉大夫至江州卒  
諡莊簡光爲劉安世門人學有淵源出守宣州保全危  
城深著幹畧後以爭和議忤檜垂老投荒自號讀易老

人著讀易詳說莊簡集

南宋四名詞集

陳克

克字子高自號赤城居士臨海人生於元豐四年辛酉  
僑寓金陵應舉不第紹興七年朝命呂祉節制淮西軍  
馬祉辟子高爲參謀葉夢得曰呂安老非馭將之才子  
高詩人非國士也勸止之不從年已五十餘矣有天台  
集長短句坳詞格高麗晏周之流亞也樂府雅詞錄其  
詞至三十六闋

費洲秋語

潘良貴

良貴字義榮一字子賤號默成居士金華人政和五年  
歷代兩浙詞人小傳

卷二

七

以廷試第二人爲辟雍博士歷祕書郎主客郎中建炎  
初爲左司諫黃潛善汪伯彥惡之改除工部主管明道  
宮越數年除考功郎遷左司乞補外以直龍圖閣知嚴  
州到官兩月請祠主管亳州明道宮起爲中書舍人出  
知明州除徽猷閣待制李光得罪坐嘗與通書降二官  
卒贈左朝奉大夫有默成集五卷

歷朝詞人考畧

江漢

漢字朝宗西安人政和初獻魯公詞曰昇平無際慶八  
載相業君臣魚水鎮撫風稜調燮精神合是聖朝房魏  
鳳山政好還被畫轂朱輪催起按錦轡映玉帶金魚都

人爭指丹陛常注意追念裕陵元佐今無幾繡衮香濃  
鼎槐風細榮耀滿門朱紫四方具瞻師表盡道一夔足  
矣運化筆又管領年年烘春桃李時兩學盛謳播之海  
內魯公喜爲將上進呈命之以官爲大晟府製撰

鐵圍山叢談

沈與求

與求字必先德清人政和五年進士除太學錄靖康改  
元擢博士建炎初通判明州除監察御史疏論執政過  
失遷兵部員外郎除殿中侍御史遷御史中丞改吏部  
尙書權翰林學士兼侍讀歷知潭州鎮江府荆湖南路  
歷代兩浙詞人小傳 卷二 三

兩浙西路安撫使除參知政事知樞密院事卒贈左銀  
青光祿大夫諡忠敏有龜溪集十二卷長短句附 歷朝  
詞人考畧

吳益

益字未詳歸安人政和五年登進士有玉樓春壽詞云  
玉樓春信梅傳早三八芳辰陽復後稱觴喜對一椿高  
萊庭雙桂森蘭茂慚無好語爲公壽富貴榮華公自有  
請歌詩雅祝遐齡永如松柏如山阜 湖州詞徵

徐伸

伸字幹臣三衢人政和初爲太常典樂出知常州有侍



婢色藝冠絕以大婦不容逐去在蘇州一都監許屢遣信欲復來而都監靳之會李孝壽牧吳門道出郡下幹臣自製轉調二郎神令妓歌至再四孝壽異而詢之幹臣蹙額告以故且曰詞中所敘多侍婢來書語也幸公擁麾於彼不審能爲之地否孝壽至蘇受謁斥都監不守封疆取供待奏都監哀懇孝壽曰且還徐典樂之妾來理會都監喻其旨侍婢乃復歸幹臣

費洲秋語

### 劉一止

一止字行簡歸安人述之族孫燾之族弟七歲能屬文宣和三年進士爲越州教授參知政事李邴薦爲詳定

歷代兩浙詞人小傳

卷二

古

一司敕令所刪定官除秘書省校書郎遷監察御史歷起居郎祠部郎出知袁州改浙東路提點刑獄爲祕書少監擢中書舍人兼侍講遷給事中以繳奏不已爲用事者所忌罷提舉江州太平觀進敷文閣待制直學士嘗爲曉行詞盛傳於京師號劉曉行有茗溪集五十卷詞一卷

歷朝詞人考畧

### 呂濱老

濱老一作涓老字聖求嘉興人有聲宣和間其詠梅詞調寄東風第一枝云老樹渾苔橫枝未葉青春肯誤芳約背陰未返冰魂陽梢已含紅萼佳人寒怯誰驚起曉

來梳掠是月斜窗外棲禽霜冷竹間幽鶴雲澹澹粉痕  
漸薄風細細凍香又落叩門喜伴金尊倚闌怕聽畫角  
依稀夢裏半面淺窺珠箔甚時重寫鸞箋去訪舊遊東  
閣有聖求詞 宋六十家聖求詞跋

姚寬

寬字令威岷縣人博學強記於天文推算尤精詞章之  
外頗工於篆隸及工技之事以任補官呂頤浩李光帥  
江東皆辟幕職秦檜執政以舊怨抑不用後以賀允中  
徐林張孝祥等薦入監進奏院六部門權尙書戶部員  
外郎兼權金倉工部屯田郎樞密院編修官以據天象  
歷代兩浙詞人小傳 卷二 五

言金亮必滅未幾果驗合除郎召對俄卒有西溪居士

樂府一卷

宋史翼

歷朝詞人考畧

趙昂

昂字未詳臨安人府學生工倚聲一日侍阜陵蹕之德  
壽宮高廟問應制之臣阜陵以昂對命賦拒霜詞高廟  
喜之擢總管 藏一語誤

陸維之

維之字子才餘杭人洞霄圖志稱其計偕入汴道遇異  
人贈丹一粒且戒俟緩急用之及下第歸舟循汴河風  
激浪怒且將覆追憶前語以丹投之風浪始息河上有

呼其姓名者則所遇異人也自是有越世之志隱於大滌山之石室人因以石室稱之高宗退處北宮嘗幸大滌憲聖偕行上問山中詩客或以維之對進其行卷上讀數首太息曰布衣入翰林可也欲歸與孝宗言之憲聖曰山林隱士必不求名強之出山乃大勞苦遂止未幾以疾卒有石室小隱集三卷

歷朝詞人考畧

### 姜特立

特立字邦傑麗水人靖康中以父綬殉國廕補承信郎淳熙中遷閣門舍人爲太子春坊光宗卽位除知閣門事與周端臣曹蘧陳郁同爲御前應制累官浙東馬步歷代兩浙詞人小傳

卷二

六

軍副總管慶遠軍節度使有梅山稿六卷續稿一卷詞一卷

歷朝詞人考畧

### 陳亮

亮字同甫永康人童幼時卽爲參政周葵上客隆興初婺州以解頭薦上中興五論不報居太學上舍淳熙中更名同復詣闕三上書俱不報紹興四年策進士第一授簽書建康判官廳公事未至官而卒端平初賜諡文毅有龍川集詞二卷

歷代詩餘

### 關注

注字子東自號香巖居士錢塘人紹興五年進士嘗爲

湖州教授歷太學博士有闕博士集二十卷家世以文雅稱喜爲詩有唐人風宣和二年睦州寇方臘起事浙西震恐子東避地於無錫之梁溪明年臘就擒而子東以貧甚未能歸里僑居毘陵郡崇安寺中一日忽夢臨水有軒主人延客年可五十儀觀甚偉玄衣而美髯揖坐使兩女子以銅盃酌之酒謂子東曰自來歌曲新聲先奏天曹然後散落人間他日東南休兵有樂府曰太平樂汝先聽其聲兩女子遂起舞主人抵掌爲之節已而恍然覺猶能記其五拍後四年始返杭州而先廬已焚於兵火因寄家菩提寺復夢前髯腰長笛手書冊舉

歷代兩浙詞人小傳

卷二

七

示子東紙白如玉小朱闌界間行似曲譜有聲而無詞髯笑曰將有待也往在梁溪曾按太平樂尙能記其聲否乎子東因爲之歌髯者援腰間笛復作一弄亦能記其聲蓋是重頭小令耳其後又夢至一處榜曰廣寒宮宮門夾兩池水瑩淨仰視鬼峩若洞府然偶曳鈴索忽有人引之見月姊亦垂問所傳樂律復出一紙相示曰亦新詞也姊歌之聲似樂府昆明池醒則僅記深誠杳隔無疑六字而已乃倚其聲而爲之詞名曰桂華明云

墨莊漫錄

南窗紀談

歷代詩餘

傅字文舉號綺川居士歸安人少有學行受業於張九成與芮國瑞友善國瑞稱之爲石友南渡時居東林登紹興進士官太常寺主簿年五十二卒贈少師著有綺川詞一卷 湖州詞徵

### 葛立方

立方字常之勝仲子祖貫丹陽勝仲再知湖州遂家焉紹興八年進士以吏部侍郎攝西掖忤秦相得罪更化召用言者又以爲附會沈該罷去遂不復起歸休於吳興汎金溪上立方博極羣書以文章鳴一世暇日輒著韻語陽秋歸愚詞一卷其詞多平實舖敘少清新宛轉歷代兩浙詞人小傳 卷二 大之思然大致不失宋人規格 湖州詞徵

### 魏杞

杞字南夫壽春人徙居鄞祖蔭入官紹興十二年登進士第知涇縣擢太府寺主簿進丞以考功員外郎遷宗正少卿爲金通問使還朝守起居舍人遷給事中同知樞密院事進參知政事右僕射兼樞密使會郊祀冬雷用漢制災異策免守左諫議大夫提舉江州太平興國宮授觀文殿學士後以端明殿學士奉祠告老復資政殿大學士卒贈特進謚文節有山房集 歷朝詞人考畧

### 史浩

浩字直翁鄞縣人紹興十四年登進士第累官宗正少卿除起居郎兼太子右庶子孝宗立以中書舍人遷翰林學士知制誥除參知政事拜尙書右僕射出知紹興府浙東安撫使知福州除少保觀文殿大學士復爲右丞相拜少傅保寧軍節度使請老除太保致仕封魏國公進太師卒封會稽郡王諡文惠追封越王改諡忠定有鄧峰眞隱大曲詞曲各二卷

歷朝詞人考畧

### 王淮

淮字季海金華人紹興十五年登進士第爲臨海尉辟蜀帥幕遷校書郎除監察御史遷右正言除秘書少監

歷代兩浙詞人小傳

卷二

九

出知建寧改浙江提刑召除太常少卿歷中書舍人翰林學士知制誥淳熙二年除端明殿學士同知樞密院事參知政事擢知院事樞密使拜右丞相進左丞相上章求去以觀文殿大學士判衢州改提舉洞霄宮卒贈少師諡文定景建康志臺觀志載其滿江紅題雨花臺詞一闕

歷朝詞人考畧

### 湯思退

思退字進之處州人紹興十五年以縣令試博學宏詞科除秘書省正字累官端明殿學士除知樞密院事拜尙書左僕射淳熙末太學生張觀等上書論之謫永州

安置有水月寺菩薩蠻云畫船橫絕湖波練更上雕鞍  
凌翠巘霜橘半垂黃征衣盡日香鐘聲雲外聽金界青  
松映何處是華山峯巒杳靄間

歷代詩餘

### 姚述堯

述堯字進道華亭人以錢塘籍登紹興二十四年進士  
乾道四年知樂清縣事篤於內行與張橫浦葉先覺施  
彥執爲友進道與橫浦同調而其詞清麗芊緜絕無語  
錄氣亦南宋道學家所罕見也有簫臺公餘詞一卷  
西泠詞萃跋

### 葛邲

歷代兩浙詞人小傳

卷二

三

邲字謙問歸安人紹興二十四年甲戌進士魁然重厚  
古君子宦情世故皆應以無心文采外深契禪悅有信  
齋詞一卷 湖州詞徵

### 梁安世

安世字次張括蒼人紹興二十四年登進士第淳熙庚  
子官桂林轉運使重九日拉韓廷玉但能之陳穎叔同  
遊臨桂棲霞洞賦西江月詞南國秋光過二賓鴻未帶  
初寒洞中脫褐已嫌單洞口猶須揮扇夕照千峰互見  
晴空萬象都還羨他漁艇繫澄灣欹枕玻璃一片以大  
字磨崖刻之載在粵西金石略想見官閑政美意興之

豪而洞中洞口寫西陲炎瘴情景宛然又有詩刻屏風  
山乳牀賦刻彈子巖則次張固不僅工於詞者著有遠  
堂集若干卷

贅洲秋語

### 范端臣

端臣字元卿學者稱蒙齋先生蘭溪人紹興二十四年  
登進士第累官至中書舍人右史充殿試官元卿雖入  
官未嘗廢學文詞典雅篆楷草隸皆造於妙吳師道稱  
其詞翰絕人乾淳間著聲館閣有集三卷念奴嬌賦中  
秋月一詞歷代詩餘采之

尙友錄

### 甄龍友

歷代兩浙詞人小傳

卷二

三

龍友字雲卿永嘉人紹興二十四年登進士第官國子  
監簿嘗遊天竺寺集詩句爲大士贊書壁間孝宗臨幸  
賞之詔侍臣物色其人召見不稱旨遣還其赤壁題詞  
調寄霜天曉角云峨眉仙客四海文章伯來向東坡游  
戲人間世著不得去國誰愛惜在天何處覓但見尊前  
人唱前赤壁後赤壁

歷代詩餘

### 王十朋

十朋字龜齡樂清人紹興二十七年對策高宗親擢第  
一除著作郎簽判紹興府遷大宗正丞請祠歸孝宗立  
起知嚴州累遷御史國子司業升侍講進吏部侍郎出



知饒夔湖三州除太子詹事以龍圖閣學士致仕卒諡忠文有梅溪集 歷代詩餘

樓 鏐

鏐字巨山一字景山鄞縣人紹興三十年登進士第由太學正歷樞密院編修官出知江陰軍以儒雅飭吏以仁愛宇民修建貢院嘉惠學者人多稱慕移知武昌府奉祠歸其攤破浣溪沙雙檜堂作云夏半陽烏景最長小池不斷藕花香電影雷聲催急雨十分涼芡剝明珠隨意嚼瓜分瓊玉趁時嘗雙檜堂深新釀好且傳觴 歷朝詞人考畧 歷代詩餘

歷代兩浙詞人小傳

卷二

三

沈 瀛

瀛字子壽號竹齋歸安人紹興三十年進士仕四十餘年絀於王官再入郡三佐帥幕公私憔悴平生業嗜文字若性命在身非外物也甲乙自著累百千首其不爲奇險而瑰富精切自然新美楊萬里稱子壽詩文大篇若春江之壯風濤短章若秋水之落芙蓉有竹齋詞一卷 湖州詞徵 子景山沈瀛人餘興三十五登進士後由

朱 藻

藻字元章號野逸縉雲人紹興三十年登進士第授漢中簿兼尉嘗爲考官擢知浦城縣終煥章閣待制居官

有仁政邑民爲立生祠有西齋集十卷其采桑子詞風神澹逸極造自然之妙詞云障泥油壁人歸後滿院花陰樓影沈沈中有傷春一片心閑穿綠樹尋梅子斜日籠明團扇風輕一徑楊花不避人絕妙好詞縉雲縣志

方有開

有開字躬明淳安人隆興元年登進士第官淮西運判有溪堂集花草粹編載其點絳脣題釣臺詞佳句云漁舟一葉徑入寒煙碧按宋詩紀事小傳則稱淳安人而

歷代詩餘有開號堂溪歙州人累遷司農丞轉運判官  
歷代兩浙詞人小傳 卷二 三

兼廬州帥有堂溪集萬姓統譜又稱有開紹興中進士官至戶部侍郎未知孰是贛洲秋語

許及之

及之初名綸字深甫永嘉人隆興元年登進士第寧宗朝歷官參知政事知樞密院事有涉齋北征紀行集重五日賦賀新郎一闕陽春白雪采入外集中歷朝詞人考畧

樓 鑰

鑰字大防鄞縣人錡從弟隆興元年登進士第累官太府宗正寺丞出知温州光宗立除考功郎改國子司業

擢起居郎遷給事中與韓侂胄不合以顯謨閣學士提  
舉江州太平興國宮尋知婺州移寧國府罷奪職侂胄  
誅起爲翰林學士遷吏部尙書除端明殿學士簽書樞  
密院事升同知進參知政事累疏求去除資政殿學士  
進大學士提舉萬壽觀卒贈少師謚宣獻有攻媿集詞  
坵攻媿集

陸 淞

淞字子逸號雲溪又號雪窗山陰人官辰州守與弟游  
俱有時名子逸詞勝而詩不及其弟晚以疾廢卜築於  
秀野不復有榮念其瑞鶴仙云臉霞紅印枕睡起來冠  
歷代兩浙詞人小傳 卷二 三  
兒猶是不整屏間麝煤冷但眉山壓翠淚珠彈粉堂深  
晝永燕交飛風簾露井悵無人與說相思近日帶圍寬  
盡重省殘燈朱幌淡月疏窗那時風景陽臺路雲雨夢  
便無準待歸來先指花梢教看卻把心期細問問因循  
過了青春怎生意穩爲士家侍姬盼盼而作觸境生情  
含毫意遠允推絕唱 者舊續聞 絕妙好詞

陸 游

游字務觀淞弟以蔭補登仕郎歷樞密院編修官隆興  
初賜進士出身爲州別駕范成大帥蜀爲參議官嘉泰  
中同修國史實錄陸寶章閣待制致仕自號放翁有劍

南集詞二卷 歷代詩餘

徐似道

似道字淵子號竹隱黃巖人乾道二年進士初官尸曹  
歷權直學士院祕書少監終提點江西刑獄有竹隱集  
淵子天台名士筆端輕俊人品秀爽其夜泊廬山詞云  
風緊浪洶生蛟吼鼉鳴家人睡著怕人驚只有一翁捫  
虱坐依約三更雪又打殘燈欲暗還明有誰知我此時  
情獨對梅花傾一盞還又詩成 歷朝詞人考畧 癸辛  
雜識

章良能

歷代兩浙詞人小傳

卷二

三

良能字達之麗水籍居吳興久湖州府志據宰輔編年  
錄作歸安人淳熙五年登進士第除著作佐郎嘉泰元  
年爲起居舍人二年除御史中丞遷中大夫同知樞密  
院事六年拜參知政事卒諡文莊有嘉林集百卷間作  
小詞極有思致小重山云柳暗花明春事深小闌紅芍  
藥已抽簪雨餘風軟碎鳴禽遲遲日猶帶一分陰把酒  
莫沈吟身閑無箇事且登臨舊游何處不堪尋無尋處  
惟有少年心其外孫撰齊東野語追憶書之始膾炙人

口焉 黃洲秋語

李廷忠

廷忠字居厚號橘山於潛人淳熙八年登進士第有橘山甲乙稿其鷓鴣天詠牡丹云洛浦風光爛縵時千金開宴醉爲期花方著雨猶含笑蝶不禁寒總是癡檀暈吐玉華滋不隨桃李競春菲東君自有回天力看把花枝帶月歸

歷朝詞人考畧

### 謝直

直原名希孟避寧宗諱改名直字古民黃巖人淳熙十一年登進士第歷仕太社令嘉興府通判希孟在臨安狎娼其師陸氏象山責之他日復爲娼造鴛鴦樓象山又以爲言希孟曰非特建樓且爲之記象山曰樓記云

歷代兩浙詞人小傳

卷二

美

何卽口占首句云自遜抗機雲之死而天地英靈之氣不鍾於世之男子而鍾於婦人象山默然希孟一日在娼所忽起歸興遂不告而行娼追送江泔泣涕戀戀希孟毅然取領巾書卜算子詞與之云雙槩浪花平夾岸青山鎖你自歸家我自歸說著如何過我斷不思量你莫思量我將你從前與我心付與旁人可其風趣如此

贊洲秋語

### 高似孫

似孫字續古號疏寮餘姚人淳熙十一年登進士第爲會稽主簿擢校書郎樓鑰除給事中嘗舉以自代其後

爲禮部郎出倅徽州守處州累官中大夫句祠提舉崇  
禧觀卒贈通議大夫著有疏寮小集剡錄緯畧 歷朝詞  
人考畧

### 史彌遠

彌遠字同叔鄞縣人浩子淳熙六年補承事郎八十銓  
試第一十四年登進士第授大理司直遷太常丞改宗  
正丞句外知池州入爲司封郎官權刑部禮部侍郎遷  
禮部尙書兼國史實錄院修撰拜少師進太師拜左丞  
相兼樞密使特授保寧昭信軍節度使充醴泉觀使封  
鄞縣男進封伯進奉化郡侯魏魯二國公會稽郡王特  
歷代兩浙詞人小傳 卷二 三

贈中書令追封衛王謚忠獻有臨江仙題道隆觀云試  
凭闌干春欲暮桃花點點胭脂故山凝望水雲迷數堆  
蒼玉□千頃碧琉璃我本清都閒散客蓬萊未是幽奇  
明朝歸去鶴齊飛三山乘縹緲海運到天池 歷朝詞人  
考畧

### 王居安

居安字資道自號方巖老圃黃巖人淳熙十四年登進  
士第累遷右司諫兼崇政殿說書權工部侍郎帥隆興  
府升龍圖閣直學士卒贈少保有方巖集 歷朝詞人考  
畧

沈端節

端節字約之吳興人寓居溧陽有才美合蕪湖知衡州提舉江東茶監淳熙間仕至朝散大夫有克齋詞一卷詞長於詠物寫景又不墮鄭衛惡習殆梅溪竹屋之流歟

湖州詞徵

王自中

自中字道甫平陽人淳熙中登進士乙科授睢寧主簿擢分水令中書舍人王藺薦其才召對稱旨改籍田令遷通判郢州道除知光化軍光宗朝以郎官召固辭命知信州再知道州終知興化軍醉江月題釣臺云扁舟

歷代兩浙詞人小傳

卷二

五

夜泛向子陵臺下偃帆收艣水闊風搖舟不定依約月華新吐細酌清泉痛澆塵臆喚起先生語當年綸釣爲誰高臥烟渚還念古往今來功名可共能幾人光武一旦星文驚四海從此故人何許到底軒裳不如簞笠久矣心相與天低雲澹浩然吾欲高舉

歷朝詞人考畧

管鑑

鑑字明仲龍泉人以父澤官江西常平提幹始家臨川孝宗朝累官至廣東提刑權知廣州兼經畧安撫使有養拙堂詞一卷

歷朝詞人考畧

蘇洞

洞字召叟山陰人頌四世孫有冷然齋集二十卷其爲詩務極鏗刻淬鍊詞尤鏤肝鉅腎以出之蓋不肯一語拾人牙慧也贛洲秋語

### 蔡幼學

幼學字行之瑞安人年十八試禮部第一以對策忤時相得下第教授廣德軍孝光間官至校書郎寧宗卽位特除提舉福建常平時朱熹居建陽幼學每事諮訪坐劾罷奉祠尋起知黃州召入爲吏部員外郎歷國子司業宗正少卿遷中書舍人兼侍講直學士院除刑部侍郎改吏部除龍圖閣待制知泉州徙建康知福州福建

### 歷代兩浙詞人小傳

### 卷二

无

路安撫使力求罷去升寶謨閣直學士提舉萬壽宮召權工部尙書兼太子詹事卒諡文懿有育德堂集歷朝

詞人考畧

歷代兩浙詞人小傳卷二終



歷代兩浙詞人小傳卷三目錄

宋二

徐照 杜旟 曹冠 俞灝 薛師石

戴復古 盧祖皋 徐逸 薛泳 曹幽

吳禮之 洪咨夔 吳淵 吳潛 姚鏞

尹煥 鄭清之 樓采 王澡 王埜

趙汝迕 趙希邁 趙希彭 趙孟堅 史寓之

馬天驥 章謙亨 陸叡 鄔文伯 許棐

宋伯仁 柴望 黃機 樓槃 徐儼夫

陳策 樓扶 李彭老 王同祖 薛夢桂

歷代兩浙詞人小傳 卷三目錄 一

陳著 潘希白 吳大有 陳景沂 史衛卿

方君遇 夏元鼎 朱昴孫 吳文英 黃中

錢選 韋居安 高觀國 翁夢寅 王沂孫

楊纘 何夢桂 莫崙 李萊老 葉闓

施岳 陳允平 王易簡 牟巖 周容

張頴 陳恕可 林表民 劉瀾 胡汲古

陳剛 周密 汪元量 曹良史 唐珏

楊舜舉 張幼謙 陳又新

宋二 歷代兩浙詞人小傳卷三目錄

歷代兩浙詞人小傳卷三

烏程周慶雲纂

宋

徐照

照字道暉又字靈暉號山民永嘉人與徐璣翁卷趙師秀四人號永嘉四靈有芳蘭軒集三卷一名山民集其詞多情至語如妾心移得在君心方知人恨深等句雅與柳七樂章相近

文獻通考

花草蒙拾

杜旗

旗字伯高號橋齋金華人淳熙開禧間兩以制科薦有

歷代兩浙詞人小傳

卷三

一

橋齋集驀山溪詞春風如客可是繁華主紅紫未全開早綠徧江南千樹一番新火多少倦遊人纖腰柳不知愁猶作風前舞小闌干外兩兩幽禽語問我不歸家有佳人天寒日暮老來心事惟只有春知江頭路帶春來不帶春去

歷朝詞人考畧

曹冠

冠字宗臣東陽人居秦檜門下教其孫塤與塤同登甲科未幾坐為塤假手事覺奪官易前名復赴廷試仕至知彬州所著樂府名燕喜集

歷代詩餘

俞灝

灝字商卿世居杭築室九里松自號青松居士紹熙四年登進士第歷麾節皆有聲寶慶二年致仕有青松居士集又嘗與姜夔葛天民同作詩詞鈔爲一卷名載雪錄夔爲之序 浩然齋雅談 南宋古蹟考

薛師石

師石字景石永嘉人隱居不仕築室會昌湖西題曰瓜廬有瓜廬詩一卷嘗爲漁父詞云十載江湖不上船捲篷高卧月明天今夜泊杏村前只有笭箬當酒錢鄰家船上小姑兒相問如何是別離雙墮髻一彎眉愛看紅鱗比目魚平明霧靄雨初晴兒子敲鍼作釣成香餌小  
歷代兩浙詞人小傳 卷三 二

繭絲輕釣得魚兒不識名繫船蘭芷膾長鱸白袷方袍忽訪吾神甚爽貌全枯莫是當年楚大夫春融水暖百花開獨棹扁舟過釣臺鷗與鷺莫相猜不是逃名不肯來夜來采石渡頭眠月下相逢李謫仙歌一曲別無言白鶴飛來雪滿船莫論輕重釣竿頭伴得船歸卽便休酒味薄勝空甌事事何須著意求高澹秀逸可與青筍綠簞之作並傳 瓜廬詩

戴復古

復古字式之天台人嘗登陸游之門以詩鳴東南所稱南渡後江湖四靈之一也石屏其所居山名因以爲號

有石屏集六卷長短句一卷四庫全書總目錄入石屏  
詞並爲提要謂其音韻天成不費斧鑿又曰宜其以詩  
爲詞時出新意無一語蹈襲也其傾倒可知矣蕢洲秋  
語

盧祖皋

祖皋字申之又字次夔自號蒲江居士永嘉人爲樓大  
防之甥慶元五年登進士第除軍器少監嘉定十四年  
權直學士院與永嘉四靈唱和莫能伯仲有蒲江集詞  
一卷小詞纖雅長調亦有清拔之致其過吳江三高祠  
前釣雪亭賀新郎詞云挽住風前柳問鷗夷當日扁舟  
歷代兩浙詞人小傳 卷三 三

近曾來否月落潮生無限事零亂茶煙未久謾留得蓴  
鱸依舊可是功名從來誤撫荒祠誰繼風流後今古恨  
一搔首江涵雁影梅花瘦四無塵雪飛風起夜窗如畫  
萬里乾坤清絕處付與漁翁釣叟又恰是題詩時候猛  
拍闌干呼鷗鷺道他年我亦垂綸手飛過我共尊酒蘆  
浦筆記 貴耳集 宋六十家詞蒲江詞跋

徐逸

逸字無競號抱獨子自稱汝陽被褐公天台人與朱文  
公爲友公提舉浙東託無競作謝恩表書云可放筆力  
稍低人不疑假手其推獎如此詞亦韶秀清平樂云風

韶雨秀春色平分後  
陸頓故人疏把酒閑  
凭畫闌搔首  
爭須攜手踏青人  
生幾度清明  
待得燕慵鶯懶  
楊花點點  
浮萍人多稱之  
陽春白雪  
梅磔詩話  
仇遠稗史

薛涿

涿字叔似一字沂叔  
天台人生當寧宗之世  
久客江湖  
瀕老懷歸青玉案  
客中守歲詞云  
一盤消夜江南果喫  
栗看書只清坐  
罪過梅花料理我  
一年心事半生牢落  
盡向今宵過  
此身本是山中箇  
纔出山來便差錯  
手種青松應是大縛  
茆深處抱琴歸去  
又是明年話晚歲於  
溪上下築扁曰水行  
居迄就窆焉  
冀州秋語

歷代兩浙詞人小傳

卷三

四

曹 幽

幽字西士號東畝  
一作東猷瑞安人  
嘉泰二年登進士  
第授安吉州教授  
調重慶府司法參軍  
改知建昌擢秘書丞  
兼倉部郎官出爲浙西  
提舉常平移浙東  
提點刑獄召爲左司諫  
上疏請立太子又論  
劾余天錫李鳴復  
迂旨遷起居郎進禮部  
侍郎不拜久之起知  
福州再以侍郎召爲  
臺臣沮止以守寶章閣  
待制致仕卒諡文恭  
堅匏集盛稱其慰足  
紅窗迴詞究係游戲  
之筆其西河詞和王潛齋  
韻一首則寄託遙深矣  
花草粹編

吳禮之

禮之字子和自號順受老人錢唐人有順受老人詞五  
卷能以尋常語言爲極透脫文字西湖競渡賦喜遷鶯  
云梅霖初歇正絳色海榴爭開佳節角黍包金香蒲切  
玉是處玳筵羅列鬪巧盡輸年少玉腕綵絲雙結艤畫  
舫見龍舟兩兩波心齊發奇絕難畫處激起浪花翻作  
湖間雪畫鼓轟雷紅旂掣電奪罷錦標方徹望中水天  
日暮猶是珠簾高揭棹歸晚載荷香十里一鉤新月令  
人想見臨安全盛時風景

花菴中興絕妙詞選 西湖遊覽志餘

### 洪咨夔

歷代兩浙詞人小傳

卷三

五

咨夔字舜俞於潛人嘉定二年進士初授崔與之帥判  
蜀還朝應詔上書忤史彌遠鑄秩理宗親政累遷至吏  
部侍郎兼給事中進刑部尙書拜翰林學士知制誥加  
端明殿學士卒贈兩官諡忠文有平齋集詞一卷

歷代詩餘

### 吳淵

淵字道夫號退庵德清人父柔勝祕閣修撰自寧國徙  
居登嘉定七年進士第累官直煥章閣知平江府以樞  
密副都承旨知江州遷太府少卿加集英殿修撰知鎮  
江太平州隆興府歷江西安撫使陞兵部尙書進端明

殿學士江東安撫使拜資政殿大學士封金陵公徙知  
福州福建安撫使予祠起拜參知政事卒贈少師謚莊  
敏少有才畧宦轍所至首以興學養士爲務著有退庵  
集其詞雖傳世不多而雅鍊可喜 宋史本傳 湖州詞

吳潛

潛字毅夫號履齋退庵弟德清人嘉定十年以第一人  
登進士第授承事郎簽鎮東軍節度判官累遷知建康  
府江東安撫留守以直論忤時相罷淳祐十一年爲參  
知政事拜右丞相兼樞密使以久任旬祠進封慶國公  
歷代兩浙詞人小傳 卷三 六

判寧國府還祖籍未幾以醴泉觀使召入對特進左丞  
相改封許國公屬立儲密奏以論劾落職責授化州團  
練使循州安置卒德祐二年追復原官特贈少師詞激  
昂悽勁兼而有之在南宋詞人中不失爲佳手爲人豪  
邁不肯附權要著有履齋詩餘三卷 清山堂詞話 四  
庫總目

姚鏞

鏞字希聲號雪篷又號敬庵剡溪人嘉定十年登進士  
第爲吉州判官以平寇功擢贛州守以忤陳子華謫之  
衡陽有雪篷集謁金門云吟院靜遲日自行花影薰透

水沉雲滿鼎晚妝窺露井飛絮游絲無定誤了鶯鶯相  
等欲喚海棠教睡醒奈何春不肯 絕妙好詞 浩然齋  
雅談

尹 煥

煥字惟曉山陰人嘉定十年登進士第淳祐六年任兩  
浙轉運使運判除右司郎官轉左司歷大監有梅津詞  
集未第時嘗薄游苕溪籍中適有所盼後十年自吳來  
雪艤舟碧瀾問訊舊游則久爲一宗子所據而猶挂名  
籍中於是假之郡將久而始來顏色瘁赧不足膏沐相  
對若不勝情梅津爲賦唐多令云蘋末轉清商溪聲俱  
歷代兩浙詞人小傳 卷三 七

夕涼綫傳杯催喚紅妝斜綰烏雲新浴罷裙拂地水沉  
香歌短舊情長重來驚鬢霜悵綠陰青子成雙說著前  
歡伴不采颺蓮子打鴛鴦風流個儻可見一斑又詠茱  
莉霓裳中序第一冷香清到骨夢十里梅花霽雪句亦  
清勁絕俗 齊東野語 墨莊詞話

鄭清之

清之字德源初名燮字文叔鄞人登嘉定十年進士第  
授陝州教授理宗卽位命爲諸王宮大小學教授寶慶  
元年遷起居郎進給事中紹定元年遷翰林學士六年  
拜右丞相兼樞密使端平二年進左丞相句去授觀文



殿大學士禮泉觀使封申國公進越國拜少師奉國軍節度使淳祐七年拜太傅復右丞相兼樞密使九年進左丞相十一年以齊國公致仕卒特贈尚書令追封魏郡王諡忠定有安晚集六十卷念奴嬌咏菊一詞吐屬不凡令人想見風度

歷代詞人考略

樓

采

詩

中

前

聖

樂

詩

詩

采字君亮鄞人鑰之從孫登嘉定十年進士第樓氏諸子詞學以君亮爲最良玉漏遲諸闕並如初寫黃庭怡到好處

絕妙好詞

王

澡

字

子

子

子

子

子

子

歷代兩浙詞人小傳

卷三

八

澡字身甫初名津字子知寧海人官太常博士有瓦全居士詩詞二卷有落梅小詞疏明瘦直不受東皇識留取伴春應肯干紅底怎著得夜色何處笛曉風無奈力若在壽陽宮院一點點有人惜劉公潛夫極賞之附其詞於後村集詩話中前輩喜獎掖後進如此

深雪偶談

王

埜

字

子

文

號

潛齋

金華人

嘉定十二年登進士第辟潭

帥幕紹定初汀邵盜作辟儀幕攝邵武令復攝軍事復爲樞密院編修兼檢討繼爲副都承旨拜禮部尚書爲江西轉運副使知隆興府移鎮江府淳祐末遷沿江制

置使江東安撫使節度和州無爲軍安慶府寶祐二年  
拜端明殿學士簽書樞密院事封吳郡侯與宰相不合  
坐言者以前職主管洞霄宮卒贈七官位特進有文集  
長短句中六州歌頭音節最爲悲壯潛齋詠金陵二闕  
讀之亦自爽然

焦氏筆乘

### 趙汝迕

汝迕字叔午一作叔魯號寒泉樂清人商王元份八世  
孫嘉定間登進士第僉判雷州以夜雨梧桐王子府春  
風楊柳相公橋二句觸怒時相謫官尋卒清平樂云初  
鶯細雨楊柳低愁縷煙浦花橋如夢裏猶記倚樓別語  
歷代兩浙詞人小傳

### 卷三

### 九

小屏依舊圍香恨拋薄醉殘妝判卻寸心雙泪爲他花  
月淒涼歇拍情至語不嫌其苦

絕妙好詞箋

### 趙希邁

希邁字端行號西里永嘉人燕王德昭九世孫師僚第  
三子有西里稿高似孫爲之跋其入聲甘州竹西懷古  
云寒雲飛萬里一番秋一番攪離懷向隋隄躍馬前時  
柳色今度蒿萊錦纜殘香在否枉被白鷗猜千古揚州  
夢一覺庭槐歌吹竹西難問拚菊邊醉著吟寄天涯任  
紅樓蹤跡茅屋染蒼苔幾傷心橋東片月趁夜潮流恨  
入秦淮潮回處引西風恨又渡江來

續文獻通考

絕

妙好詞

趙希彭

希彭字清中號十洲四明人燕王德昭九世孫登寶慶二年進士第入仕四十年虛靜淡泊寂寞無爲晚除南雄守不赴爲小詞極有風致秋蕊香云髻穩冠宜翡翠壓鬢綵絲金蕊遠山碧淺蘸秋水香煖榴裙襯地亭亭二八餘年紀惱春意玉雲凝重步塵細獨立花陰寶砌隨隱漫錄 絕妙好詞

趙孟堅

孟堅字子固號彝齋太祖十一世孫其先以安定郡王歷代兩浙詞人小傳

卷三

十

從高宗南渡爲海鹽人寶慶三年登進士第爲湖州掾入轉運使幕知諸暨縣以御史言罷歸後終提轄左帑入元隱居嘉禾之廣陳鎮時獨駕一舟舟中琴書尊勺畢具往往泊蓼汀葦岸看夕陽賦曉月爲事從弟子昂自茗中來訪子固閉門不納夫人勸之始令從後門入坐定第問弁山笠澤佳否子昂云佳子固曰弟奈山澤佳何子昂慙退便令蒼頭濯其坐具其品節有過人者有彝齋文編四卷詞一卷

樂郊私語

史篤之

篤之字子聲一字石隱鄞人浩之孫以祖澤歷太府寺

簿直寶謨閣紹定初知江陰軍李全陸梁直抵海陵江陰當要衝騫之下車踰月請兵分屯秋毫無擾民賴以安有望海潮詞一闕

歷代詩餘

### 馬天驥

天驥字德夫號方山衢州人紹定二年登進士第補簽書嶺南判官廳公事累遷秘書監直秘閣知吉州以秘閣修撰知紹興府授沿海制置使改知池州又改廣東兼經略安撫使遷禮部侍郎拜端明殿學士同簽書樞密院事封信安郡侯予祠起知衢州再予祠再起知福州福建安撫使升大學士知平江府褫職送信州居住

歷代兩浙詞人小傳

卷三

七

後卒於家曾賦城頭月詞贈梁彌仙李昂英有和作

花

草粹編

### 章謙亨

謙亨字牧之一作牧叔湖州人紹定間爲鉛山令爲政寬平人號爲佛家置象祀之嘉熙三年除直秘閣浙東提刑兼知衢州風采爲一時所稱然藉藉滑稽嘗以步蟾宮調賦守歲小詞云團圞小酌醺醺醉厮捱著沒人肯睡呼盧直到五更頭便鋪了妝臺梳洗庭前鼓吹喧人耳驀忽地又添一歲休嫌不是少年時有多少老如我底涉筆成趣頗足解頤

浩然齋雅談

陸 叡

叡字景思號雲西會稽人紹定五年登進士第淳祐中官沿江制置使司參議入爲禮部員外郎兼崇政殿說書景定五年進中大夫集英殿修撰江南東路計度轉運副使兼淮西總領瑞鶴仙詞云濕雲黏雁影望征路愁迷離緒難整千金買光景但疏鐘催曉亂雅啼暝花惊暗省許多情相逢夢境便行雲都不歸來也合寄將音信孤迥盟鸞心在跨鶴程高後期無準情絲待翦翻惹得舊時恨怕天教何處參差雙燕還染殘朱賸粉對菱花與說相思看誰瘳損歇拍詞旨摘爲警句 絕妙好

歷代兩浙詞人小傳

卷三

三

詞

鄔文伯

文伯以字行鄞人端平二年登進士第其翻香令云醉和春恨拍闌干寶香半炷倩誰翻丁寧告東風道小樓空斜月杏花寒夢魂無夜不心關江南千里霎時間且留得鸞光在等歸時雙照淚痕乾 陽春白雪

蔡景許

五

蔡

景

許

蔡字忱夫號梅屋海鹽人嘉熙中隱居不仕有獻醜集

一卷梅屋詩稿三卷詩餘一卷融春小綴樵談各一卷

滿宮春云懶博香慵弄粉猶帶淺醒微困金鞍何處掠

新歡倩燕鶯尋問柳供愁花獻恨袞絮獵紅成陣碧樓  
能有幾番春又是一番春盡生香活色跌宕風流小令  
之特健藥也 絕妙好詞箋

宋伯仁

伯仁字器之自號雪巖耕田夫湖州人僑寓杭州宅在  
西馬塍舉鴻詞科嘉熙中歷監淮揚鹽課有雪巖吟草  
西塍集一卷煙波漁隱詞梅花喜神譜各二卷 四庫存

柴望

望字仲山號秋堂又號歸田其先衛人徙居江山嘉熙  
歷代兩浙詞人小傳 卷三

三

間太學上舍生淳祐六年元旦日蝕詔求直言上丙丁  
龜鑑十一卷忤時相下獄旋放歸景炎二年以荐授迪  
功郎史館國史館編校宋亡不仕與弟隨亨元亨元彪  
稱柴氏四隱有秋堂集三卷道州台衣集涼州鼓吹詞  
各一卷 蘇幼安秋堂公墓誌

黃機

機字幾仲一云字幾叔東陽人嘗仕宦州郡游蹤則多  
在吳楚之間而與岳總幹以長調唱酬爲尤夥總幹者  
武穆之孫珂也岳氏爲忠義之門故機所作亦皆沈鬱  
蒼涼不復作草媚花香之語有竹齋詩餘一卷 竹齋詩

樓 槃

槃字考甫一字曲澗鄞人與杖爲兄弟行進士有曲澗詞讀去似率直正是白描妙手霜天曉角咏梅云翦雪裁欠有人嫌太清又有人嫌太瘦都不是我知音誰是我知音孤山人姓林一自西湖別後辜負我到如今絕妙好詞 秋崖小稿

徐儼夫

儼夫字公望號桃渚平陽人淳祐元年進士第一官至禮部侍郎著有桃渚詞傳世不多而清新婉麗西江月歷代兩浙詞人小傳 卷三 古

云曲折迷春院宇參差近水樓臺吹簫人去燕歸來空有落梅香在花底三更過兩酒闌一枕驚雷明朝飛夢隔天涯腸斷流鶯聲碎陽春白雪

陳 策

策字次賈號南墅上虞人淳祐中爲荊州闔帥幕僚以功授武階滿江紅咏柳花云倦繡人閑恨春去淺翠輕掠章臺路雪黏飛燕帶芹穿幕委地身如游子倦隨風命似佳人薄歎此花飛後更無花情懷惡心下事誰堪託憐老大傷飄泊前回離恨暗中描摸又趁扁舟低欲去可憐世事今非昨看等閑飛過女牆來秋千索觸

緒哀斷工於言情

歷代詩餘

樓 杖

杖字叔茂號梅麓鄞人鑰之孫端平中爲沿江制置司幹官淳祐中知泰州軍移邵武軍水龍吟次周清真梨花韻云素娥洗盡繁妝夜深步月秋千地輕腮暈玉柔肌弄粉縑塵欲避霽雪留香曉雲同夢昭陽空閉悵仙圍路杳曲闌人寂疏雨濕盈盈泪未放游蜂葉底怕春歸不禁狂吹象牀困倚欠魂微醒鶯聲喚起愁對黃昏恨催寒食滿襟離思想千紅過盡一枝獨冷抱梅花比詞境超逸善於寄託與其斷句夜深更擁寒衾坐明月

歷代兩浙詞人小傳

卷三

五

梅花共一窗同臻妙悟

全芳備祖

絕妙好詞

李彭老

彭老字商隱號篋房湖州人淳祐中爲沿江制置司屬官有篋房詞詞筆妙一世秀潤醞藉聲靜氣和夢窗乙稿絳都春一闕卽爲篋房量珠賀則其平日往還贈答之雅可想見矣

浩然齋雅談

古今詞話

王同祖

同祖字興之號花洲金華人奉議郎淳祐中官建康府通判次改添差沿江制置司機宜文字有學詩初集一卷賦阮郎歸云一簾疏雨細於塵春寒愁殺人桐花庭



院近清明新煙浮舊城尋蝶夢怯鶯聲柳絲如客情丙  
丁帖子畫教成妝臺求晚晴 絕妙好詞

薛夢桂

夢桂字叔載號梯巖永嘉人寶祐元年登進士第嘗知  
福清縣仕至平江倅所居西湖五雲山曰隔凡關曰林  
壑甕通命之曰方厓小隱諸名士莫不納交焉工長短  
句醉落魄云單衣乍著殢寒更傍東風作珠簾壓定銀  
鉤索雨弄初晴輕旋玉塵落花脣巧借妝梅約嬌羞纔  
放三分萼尊前不用多評泊春淺春深都向杏梢覺灑  
落流麗詞中能品 浩然齋雅談

歷代兩浙詞人小傳

卷三

六

陳著

著字子微一字謙之鄞人寶祐四年登進士第官著作  
郎出知嘉興府忤賈師憲改臨安通判有本堂詞二卷  
本堂詞

潘希白

希白字懷古號漁莊永嘉人寶祐中登進士第除幹辦  
臨安府節制司公事德祐中起爲史館檢校不赴九日  
大有一解云戲馬臺前采花籬下問歲華還是重九恰  
歸來南山翠色依舊簾櫳昨夜聽風雨都不似登臨時  
候一片宋玉情懷十分衛郎清瘦紅萸佩空對酒碁枰

動微寒暗欺羅袖秋已無多早是敗荷衰柳強整帽簷  
欹側曾經向天涯搔首幾回憶故國尊鱸霜前雁後高  
澹逼近稼軒

歷代詩餘

銅鼓書堂詞話

### 吳大有

大有字有大一字勉道號雲壑嵗人寶祐間太學上舍  
生上書言賈似道奸狀不報遂退處林泉與仇遠白珽  
等詩酒相娛元初辟爲國子檢閱不赴有松下偶鈔雪  
後清音歸來幽莊等集送李琴泉云江上旂亭送君還  
是逢君處酒闌呼渡雲厭沙鷗暮漠漠蕭蕭香凍梨花  
雨添愁緒斷腸柔艣相逐寒潮去調寄點絳脣詞旨疏  
歷代兩浙詞人小傳

### 卷三

七

俊能以韻勝

絕妙好詞

墨莊詞話

宋詩紀事

### 陳景沂

景沂字肥遯天台人著有全芳備祖五十八卷理宗時  
嘗進於朝壺中天咏梅云江郵湘驛間暮年何事暮冬  
行役馬首搖搖經歷處多少山南溪北冷著烟扉孤芳  
雲掩瞥見如相識相逢相勞如癡如詎如憶最是近曉  
霜濃初弦月挂傅粉金鸞側冷澹生涯憂樂忘不管冰  
簷雪壁魁榜虛誇調羹浪語那裏求真的暗香來歷自  
家還要知得意蓋別有所託也

歷代詩餘

### 史衛卿

衛卿字景靈鄞人嵩之從子少登進士第其柳梢青云  
萼綠華身小桃花扇安石榴裙子野聞歌周郎顧曲曾  
惱夫君悠悠羈旅愁人似零落青天斷雲何處銷魂初  
三夜月第四橋春歷代詩餘及絕妙好詞均署羅椅名  
歇拍三句世頗傳誦 四明近體樂府

### 方君遇

君遇以字行浙右人家於吳興詩體渾成詞亦能爲情  
至語風流子云春被雨禁持傷心事彷彿去年時記芳  
徑暮歸褪妝微醉暗幃先寢聞笑佯癡回首別離容易  
過楊柳又依依紅燭怨歌髻花零落青綾牽夢屏影參  
歷代兩浙詞人小傳 卷三 六

差桃源今何在劉郎去應念瘦損香肌誤約夜闌從前  
怪我多疑但怕收殘泪對人徐語指彈新恨推戶潛窺  
還是懨懨病也無計憐伊 陽春白雪 詞綜補遺

### 夏元鼎

元鼎字宗禹自號雲峯散人又號西城真人永嘉人屢  
試不第辟幕職有功兵間棄官入道有蓬萊鼓吹一卷  
凡詞三十首皆涉玄渺唯滿江紅一闕則清超拔俗不  
愧詞人 蓬萊鼓吹

### 朱屏孫

屏孫字令則一字萬山鄞人其爲詞鍊氣鍊聲並皆佳

妙眞珠簾云春雲做冷春知未春愁在碎雨敲花聲裏  
海燕已尋蹤到畫溪沙際院落秋千楊柳外待天氣十  
分晴霽春市又青帘巷陌紅芳歌吹須信處處東風又  
何妨對此籠香覓醉曲盡索餘情奈夜航催離夢滿冰  
衾身似寄算幾度吳鄉煙水無寐試明朝說與西園桃  
李絕妙好詞

吳文英

文英字君特自號夢窗晚號覺翁鄞人景定時嘗客榮  
王邸受知於丞相吳潛有夢窗詞集甲乙丙丁稿四卷  
補遺一卷其與沈伯時論作詞之法音律欲其協不協  
歷代兩浙詞人小傳卷三

九

則成長短之詩下字欲其雅不雅則近纏令之體用字  
不可太露露則直突而無深長之味發意不可太高高  
則狂怪而失柔婉之意可謂極詞家之秘奧故其所作  
密麗工整深得清眞之妙尹惟曉嘗云求詞於吾宋前  
有清眞後有夢窗乃天下之公言也其激賞如此樂府  
指迷絕妙好詞箋

黃中

中字仲庸號澹翁平陽人夢窗集中有別澹翁憶舊遊  
詞可知其編紉往還交固不薄其瑞鶴仙詞用陸子逸  
韻亦復縷金錯采雅近夢窗陽春白雪夢窗詞

錢選

選字舜舉號玉潭又號巽峯自號雪川翁烏程人景定三年登進士第八元不仕人品高逸流連詩畫與趙子昂等有吳興八駿之稱詞亦工秀惜流傳者僅行香子詠折枝芙蓉一闋且殘缺十五字殆吉光片羽矣西吳里語 湖州詞徵

韋居安

居安字未著吳興人景定間登進士第景炎元年司糾三衢有梅磻詩話三卷錢牧叔別墅在張釣魚灣卽唐人元眞子張志和釣遊處水亭三間扁曰魚灣風月地歷代兩浙詞人小傳 卷三 三

高觀國

觀國字賓王號竹屋山陰人有竹屋癡語一卷史達祖爲之序能特立清新之意刪削靡曼之詞楊湜撰古今詞話謂觀國精於詠物竹屋癡語中最佳者有御街行咏轎咏簾賀新郎咏梅解連環咏柳祝英臺近咏荷少年遊咏草皆工而入逸婉而多風信然四庫提要 古今詞話

翁夢寅

夢寅字賓陽號五峰錢塘人其先本福建崇安祖中丞

彥國當僞楚張邦昌僭帝時嘗提兵勤王爲李丞相綱之亞父謙之進士至夢寅乃首登臨安鄉書遂占籍焉賈師憲開府維揚甚禮遇之比歸置酒以餞夢寅卽席賦摸魚兒云捲西風方肥塞草帶鉤何事東去月明萬里關河夢吳楚幾番風雨江上路二十載頭顱凋落今如許涼生弄塵歎江左夷吾隆中諸葛談笑已塵土寒汀外還見來時鷗鷺重來應是春暮輕裘峴首陪登眺馬上落花飛絮拌醉舞誰解道斷腸賀老江南句沙津少駐舉目送飛鴻幅巾老子樓上正凝伫師憲大喜舉席間飲器凡數十萬悉以贈之

浩然齋雅談

歷代兩浙詞人小傳

卷三

三

王沂孫

沂孫字聖與亦作聖予號碧山又號中仙又號玉笥山人會稽人官慶元路學正有碧山樂府二卷一名花外集碧山胸次恬淡故黍離麥秀之感只以唱歎出之集中詠物諸篇皆有君國之憂着力不多地分高絕張叔夏亦稱其琢語峭拔有白石意度可見其詞品矣

絕妙

好詞箋

詞辨

詞學集成

楊 纘

纘字繼翁一作嗣翁號守齋自號紫霞翁嚴陵人本鄱陽洪氏恭聖太后姪楊石之子麟孫早夭遂視爲嗣後

居錢塘官至司農卿浙東帥度宗朝以女選進淑妃贈少師守齋精於琴作紫霞洞琴譜故深知音律所度曲多自製譜有作詞五要一擇腔二擇律三填詞按譜四隨律押韻五立新意洵爲知言

絕妙好詞箋

詞源

### 何夢桂

夢桂字巖叟初名應祈字申甫淳安人咸淳乙丑省試第一廷試一甲三名授台州軍判官累官至大理寺卿引疾去至元中屢徵不起築室小西源自號潛齋有潛齋詞一卷

歷代詩餘

### 莫 崙

歷代兩浙詞人小傳

卷三

三

崙字子山號兩山吳興人咸淳四年登進士第官位未詳入元以遺逸薦不仕絕妙好詞錄其水龍吟諸詞凡四闕

絕妙好詞

### 李萊老

萊老字周隱號秋崖篔房弟咸淳六年以朝請郎任嚴州與兄篔房競爽時稱龜溪二隱有合刻爲二隱詞鈔者萊老自著名秋崖詞纏綿往復稱心而言而於韻律亦甚精核詞家名手也

浩然齋雅談

詞苑

### 葉 闡

闡字史君號秋臺又號直庵金華人咸淳間知南康府

詞筆鬆秀有摸魚詞見陽春白雪 陽春白雪

施岳

岳字仲山號梅川古吳人精於律呂寓居武林其卒也楊守齋爲樹梅作亭薛梯颺爲誌其墓李箕房書周草窗題蓋葬於西湖虎頭巖下沈義父樂府指迷稱梅川詞因音律有源流故其聲無舛誤讀唐詩多故其語雅淡 樂府指迷 絕妙好詞箋

陳允平

允平字君衡一字衡仲號西麓自稱蒲鄮澹室後人鄞縣人德祐時授沿海制置司參議官元大德間憲使臧歷代兩浙詞人小傳 卷三 三

夢解陸垕屢薦不起有日湖漁唱二卷西麓繼周集一卷張叔夏云詞欲雅而正志之所之一爲物役則失其雅正之音西麓所作平正有佳者 絕妙好詞箋

王易簡

易簡字理得號可竹山陰人尙書佐之元孫宋末進士除瑞安簿不赴隱居城南有山中觀史吟其摸魚兒賦尊云功名夢消得西風一度高人今在何許鱸香菰冷斜陽裏多少天涯意緒并步兵高致亦一齊撇卻運意更高固是熟事生用法亦是從東坡不爲鱸魚也自賢句討得箇消息 絕妙好詞箋 龍壁山房詩話



牟 巖

巖字獻甫一字獻之子才子其先井研人徙居吳興嘗登進士第宋末官至大理少卿入元不仕隱居三十六年卒有陵陽先生集二十四卷詞一卷

陵陽集 宋史

翼

周 容

容字子寬四明人詞不它見僅浩然齋雅談錄一闋云謝了梅花恨不禁小橋羞獨倚暮雲平夕陽微向柳梢明東風冷眉岫翠寒生無限遠山青重重遮不斷舊離情傷春還上去年心怎禁得時節又燒鐙調寄小重山

卷三

三

張 頤

頤嘉興人嘗與徐高士游洞霄宮賦水調歌頭一闋有他日倘然歸老乞取一庵雲臥隨分了生涯之句蓋亦恬淡之士也徐高士卽徐沖淵

洞霄詩集

陳 恕可

恕可字行之越州人所居曰宛委山房輯有樂府補題一卷補題作者十有三人皆宋之遺民以寄其故國之思者行之卽其一也

絕妙好詞箋

林 表民

表民字逢吉號玉溪臨海人其先世魯人自六世祖廣之卒於天台稅官任遂居臨海蓋占籍數世矣表民父師咸編天台集未竟表民續之陳耆卿修赤城志亦屬表民撰述又自爲續志三志世多稱之復以記序銘贊之文志不盡載者爲赤城集別有玉溪吟草附詞絕佳玉漏遲和趙立之云並湖游冶路垂堤萬柳翹塵籠霧草色將春離思暗傷南浦舊日愔愔坊陌尙想得畫樓窗戶成遠阻鳳箋空寄燕梁何許淒涼瘦損文園記翠筵聯吟玉壺通語事逐征鴻幾度悲歡休數鶯醉亂花深裏悄難替愁人分訴空院宇東風晚來吹雨停勻綿歷代兩浙詞人小傳卷三

三

麗無愧作家

宋詩紀事補遺

劉澗

澗字養源號江村天台人先爲道士後還俗工詩詞清拔處具體白石其游天台雁蕩東湖賦買陂塘一闋則絕筆也

浩然齋雅談

瀛奎律髓

胡汲古

汲古字待考嚴陵人著有樂府平陽林景熙霽山爲之弁言稱其清而腴麗而則逸而歛婉而莊悲涼於殘山剩水豪放於清風明月蓋亦南渡之遺民也

霽山先生集

陳剛

剛字中孚天台人官編修在燕遇端陽節適當母誕作  
太常引二章陸太冲以謙謂其事關倫紀有陟屺瞻望  
不遑將母之思云

賭棋山莊詞話

周密

密字公謹盛年藏書萬卷居饒館榭遊足僚友其所居  
弁陽在吳興山水清峭遇好風佳時載酒肴浮扁舟窮  
旦夕賦詠於其間就使失祿不仕浮沈明時但如蘇子  
美沈睿達輩亦有足樂者蘋洲漁笛譜二卷乃其所作  
詩餘

湖州詞徵

歷代兩浙詞人小傳

卷三

三

汪元量

元量字大有號水雲錢塘人以善琴供奉內庭爲琴師  
隨德祐君赴北留燕久之黃冠南歸往來匡廬沈鬱蒼  
涼與玉田並駕有水雲詞一卷

歷代詩餘

曹良史

良史字子才號梅南錢塘人有梅南摘稿分詩詞三摘  
詞名鏤冰雕刻流麗聲調與少游美成爲近江城子云  
夜香燒了夜寒生掩銀屏理銀箏一曲春風都似斷腸  
聲杜宇欲啼楊柳外愁似海思如雲背燈暗卸乳鴉羣  
酒初醒夢初醒蘭炷香篝誰爲煖羅衾二十四簾人悄

悄花影碎月痕深 絕妙好詞 桐江集

唐 珏

珏字玉潛號菊山越州人宋亡後與林景熙同爲採藥之行潛瘞諸陵骸骨樹以冬青謝翱作冬青引紀之世人高其義烈而樂府補題詠蕁詠蓮詠蟬諸社作亦復抗手中仙性情流露不求工而自工周介存謂玉潛非詞人殆以行誼過人不欲儕諸引商刻羽之列耳 歷代詞話 輟耕錄

楊舜舉

舜舉字觀我金華人粟里翁本然之子入元隱居不仕

歷代兩浙詞人小傳

卷三

七

父子一門自爲師友粟里善說經觀我精考史均出王深寧尙書之門觀我於填詞尤妙其錢塘有感浣溪沙云殘照西風一片愁疏楊畫出六橋秋游人不上十三樓有泪金仙還泣漢無心玉馬已朝周平湖寂寂水空流玉馬朝周蓋譏趙氏宗室入仕元朝者 江村詩詞賸語

張幼謙

幼謙字未詳浙東人宋末登科仕至倅郡與鄰女羅惜惜以詞相贈答卒成偕老古今女史載其事甚悉詞亦語真而質未嘗求工字句之間然自是宋人風格 古今

女史

陳又新

又新別作文卿自號太白山人姚江人才思敏贍嘗與  
玉斗山人王奕出游湖上各倚綺羅香慢和周公謹十  
景樂府又新立成十解玉斗斂手歎服以爲不逮也張  
叔夏亦有臺城路詞寄之見山中白雲詞

西湖秋柳詩

歷代兩浙詞人小傳

卷三

三

歷代兩浙詞人小傳卷三終

歷代兩浙詞人小傳卷四目錄

元

張伯淳 仇 遠 趙孟頫 陳 孚 姚 式

許 謙 沈景高 范晞文 白 賁 張可久

袁士元 吳景奎 周 權 鄭 禧 柯九思

朱晞顏 曾寅孫 沈 禧 吳 鎮 劉 元

趙 雍 王國器 李孝光 鄒 韶 何景福

邵亨貞 何可視 沈 貞 張 翥 金 綱

歷代兩浙詞人小傳 卷四目錄

一

歷代兩浙詞人小傳卷四目錄

歷代兩浙詞人小傳卷四

烏程周慶雲纂

元

張伯淳

伯淳字師道崇德人宋末舉童子科以父任授迪功郎  
淮陰尉尋舉進士除太學錄元至元二十三年授杭州  
路儒學教授遷浙東道按察司知事歷官至翰林直學  
士知制誥謁告歸大德四年卽家拜翰林侍講學士卒  
謚文穆有養蒙先生集十卷詞一卷意境清遠雅有宋  
人風度伯淳爲安撫使趙與峕婿與峕子昂父也濡染

歷代兩浙詞人小傳

卷四

一

風雅故並工書法

續山谷亭熏習錄

洞霄圖志

養蒙

先生詞

仇遠

遠字仁近一字仁父號涪祐遺民錢塘人初家餘杭溪  
上之仇山高文簡爲作山村圖故又號山村後居虎林  
白龜池咸淳間與白湛淵同以詩稱入元又同應薦爲  
儒官不達歸老西湖更號西湖村民江山跌宕詩酒送  
年張翥張雨莫維賢皆出其門著有興觀山村等集詞  
集名無絃琴譜清微要渺與玉田草窗爲近馮登府無  
絃琴譜跋絕妙好詞箋式古堂書畫彙考

趙孟頫

孟頫字子昂宋太祖子秦王德芳之後四世祖伯圭賜第湖州遂爲湖州人宋末用父蔭調眞州司戶參軍至元中以程鉅夫薦授兵部郎中累遷至拜翰林學士承旨榮祿大夫卒追封魏國公諡文敏有松雪齋集十卷樂府附以承平王孫而嬰世變離黍之悲有不能忘情者故深得騷人意度其詞如消沈萬古意無窮盡在長空澹澹鳥飛中格理入微別開妙境

玉塵集

堯山堂

外記

蛾術詞選

陳孚

歷代兩浙詞人小傳

卷四

二

孚字剛中號笏齋臨海人至元中以布衣上大統賦署上蔡書院山長調翰林國史院編修官歷官至台州路總管府治中有觀光交州玉堂諸稿詞見歷代詩餘

歷代詩餘

姚式

式字子敬歸安人以高彥敬薦除紹興府學教授吳興西十餘里有敷山式隱居其中以老天資高爽人品俊逸趙子昂最敬畏之贈詩云吾愛子姚子風流如晉人白眼視四海清言無一塵其題黃鶴山樵洞天清曉圖西江月詞換頭云醉後豈知天地月寒莫辨瓊瑤一聲



鶴叫萬山高畫出洞天清曉殊飄然有凌雲意 研北雜志 敷山記 湖州詞徵

許謙

謙字益之自號白雲山人其先京兆人由平江徙婺之金華遂爲金華人受業金履祥之門隱居東陽入華山屢邀徵辟高節固辭卒賜諡文懿有白雲集四卷揚州趙鶴輯其集中有關理學者與呂東萊何北山王魯齋金仁山之文同刊名金華正學編然其蝶戀花詞有初試花冠金鳳小鬢亂釵橫長怯旁人笑云云理學名儒亦復工爲綺語知梅花一賦不礙廣平鐵石也 得樹樓

歷代兩浙詞人小傳

卷四

三

雜鈔

詞綜補遺

沈景高

景高佚其字烏程人有詠美人指甲和劉龍洲沁園春詞見歷代詩餘俞焯云景高舊家子弟流落不遇於世余見此詞纖麗可愛因定交焉 歷代詩餘

范晞文

晞文字景文號藥莊錢塘人太學生理宗時與葉李上書詆賈似道竄瓊州入元以程鉅夫薦擢江浙儒學提舉轉長興丞有藥莊廢稿其意難忘詞一解甚工 絕妙好詞箋

白賁

賁字无咎錢塘人大德間人其鸚鵡曲云儂家鸚鵡洲  
邊住是箇不識字漁父浪花中一葉扁舟睡熟江南煙  
雨覺來滿眼青山抖擻綠簑歸去算從前錯怨天公甚  
也有安排我處音節諧婉所作百字折桂令詞亦饒有  
畫意李存俟庵集稱賁善畫馬嘗題其畫云數筆寫來  
千里意只今惟有白忻州宜其詞中有畫也

至正直記

詞綜補遺

張可久

可久字伯遠號小山慶元人有小山樂府二卷風流文

歷代兩浙詞人小傳

卷四

四

采雅負時望武宗嘗於中秋夜與諸嬪妃泛月禁苑太  
液池中開宴張樂令宮女披羅曳縠前爲八展舞歌可  
久一半兒詞云花邊嬌月靜妝樓葉底滄波冷翠溝池  
上好風開御舟可憐秋一半兒芙蓉一半兒柳極歡而  
罷太和正音譜評小山詞如瑤天笙鶴旣清且新華而  
不豔有不食煙火氣味又謂如披太華之天風招蓬萊  
之海月

小山詞類編毛辰跋

日下舊聞元掖庭記

袁士元

士元一名寧老字彥章鄞縣人年垂四十以茂才薦授  
縣學教諭再薦爲平江路學教授擢翰林國史院檢閱

官不赴築城西別墅種菊數百本自號菊村學者著書  
林外集七卷危太樸爲之序詞載四明近體樂府元詩  
選四明近體樂府

吳景奎

景奎字文可蘭溪人嘗應劉貞辟爲從事旋部使者薦  
署興化縣儒學錄以母老辭不就有藥房樵唱三卷又  
樂府一卷歸安朱氏彊村叢書依傳鈔本鏤行詞僅十  
一闕頗多清穩合格之作藥房樂府 四庫總目

周權

權字衡之括蒼人有此山先生樂府一卷歸安朱氏彊  
歷代兩浙詞人小傳卷四 五

村叢書依元刊本覆鏤行世詞格清空疏俊尙有南宋  
諸賢風致此山先生樂府

鄭禧

禧字天趣永嘉人仁宗時人登進士第官黃巖州同知  
嘗與同郡吳氏女以詞唱和見其所著春夢錄中春夢  
錄

柯九思

九思字敬仲號丹丘天台人文宗時爲奎章閣鑿書博  
士工畫詞亦秀逸柳梢青詠梅云懊恨春初飄零月下  
輕離輕隔重醞梨雲乍舒椒眼羞人曾識已堪索笑巡

檐早淮備憐憐惜惜莫是溪橋攬先開卻試馳金勒詞  
綜 歷代詩餘

朱晞顏

晞顏字景淵長興人有瓢泉吟稿五卷詞附致多佳構  
其念奴嬌換頭云隱約一水中分金鰲戴甲力與蛟龍  
拒擬訪臨臯清夜鶴誰解坡仙神遇斷壁懸秋鶯瀟瀟  
月總是無聲句勝遊如掃大江依舊東去亦英雄亦疏  
快詞綜

曾寅孫

寅孫佚其字山陰人有減字木蘭花詞題温日觀葡萄  
歷代兩浙詞人小傳

卷四

六

卷云吳綃蜀蘭筆底墨雲飛一片點點秋映收得驪龍  
領下珠興來一掃惜處有時慳似寶露葉煙條幾度西  
風吹不凋珊瑚網名畫題跋

沈 禧

禧字廷錫吳興人工詞有竹牕詞一卷歷代詩餘

吳 鎮

鎮字仲圭善畫山水工詞翰自號梅花庵主又號梅花  
道人梅沙彌嘉興人有花庵稿其漁父詞品格高妙不  
減張志和又嘉禾八景酒泉子八首亦有清疏之致珊

瑚網名畫題跋 湖州詞錄 六研齋三筆 名畫記

劉元

元佚其字會稽人其遊洞霄故宮和陳秋岡韻木蘭花  
慢詞云問神仙何處尋溪路水聲寒此福地靈巖西南  
天柱洞府名山翠蛟對誰起舞更巖飛龍鳳駭人看見  
說丹成仙去當年跨鶴乘鸞浮生貪勝似棋殘一著省  
時難便采藥眠雲吟風對月醉酒長安一任流行坎止  
又何須汨汨利名間試與林泉相約幾時容我投閒高  
逸之趣使人意遠

洞霄詩集

趙雍

雍字仲穆號山齋吳興人孟頫子以蔭守昌國海寧二  
歷代兩浙詞人小傳

卷四

七

州累遷至翰林待制有趙待制遺稿一卷詩詞雜錄附  
其詞娟麗可誦不特書法得松雪家風也

趙待制遺稿

跋

書畫大觀錄

王國器

國器字德璉號筠庵吳興人趙孟頫婿蒙之父學識淹  
雅爲時所推尤長於今樂府曾製踏莎行香奩八詠寄  
楊廉夫廉夫大爲稱賞命侍兒歌之并付梓焉邵亨貞  
蛾術詞選摸魚兒題德璉山居圖亦有短褐長鏡清琴  
濁酒占斷晉風致之句其逸情遠韻可想見也

鐵網珊瑚

珊瑚

詞統

詞綜補遺

湖州詞徵

李孝光

孝光字季和初名同祖樂清人隱居雁蕩山五峯下四方之士遠來受學聲望日著至正七年詔徵隱逸以祕書監著作郎召於宣文閣進孝經圖說旋進文林郎祕書監丞卒於官有五峯集六卷詞一卷筆力持重才思古奧時流莫能及也

元史本傳

陳永德撰行狀

鄒韶

韶字九成吳興人至正中嘗辟試漕府掾自號雲臺散吏又號茗溪漁者有雲臺集清平樂和韻云湘雲微度六曲朱闌暮簾外香飄梅子樹知有王孫索句誰將瓊瑄吹霞柳花飛過東家說與門前去馬斷腸休爲琵琶歇拍善於用意

詞綜

何景福

景福字介夫涪安人別號鐵牛翁至正末遭亂不仕有介夫文集四卷附詞清疏俊逸自饒遠韻虞美人別魯道源云三年奔走荒山道喜說茗溪好茗溪秋水漫悠悠□□載將離恨上杭州干戈未已身如寄安樂知何處青溪溪上釣魚磯縱使無魚還有蟹螯肥

詞綜

邵亨貞

亨貞字復孺號清溪淳安人官華亭教諭因家焉有蛾

術詞選四卷凭闌人題曹雲西贈伎畫云誰寫江南一段秋妝點錢唐蘇小樓樓中多少愁楚山無盡頭後庭花云銅壺更漏殘紅妝春夢闌江上花無語天涯人未還倚樓閑月明千里隔江何處山浣溪紗云西子湖頭三月天半篙新漲柳如烟十年不上斷橋船百媚燕姬紅錦瑟五花宛馬紫絲鞭年年春色暗相牽

列朝詩集

### 何可視

可視字思明嘉興人值元末世亂不仕自號爛柯樵者其蝶戀花詞送春云金井啼鴉深院曉颺盡東風柳絮吹難了燕子多情相識早杏梁依舊雙雙到一縷沉煙

歷代兩浙詞人小傳

卷四

九

簾幕悄滿眼飛花祇攪人懷抱十二玉樓春樹杪天涯不斷青青草情景兼到

詞綜

### 沈貞

貞字貞吉號南齋自號茶山老人長興人元末隱居橫玉山入明敦靈上履二之節始終不出有茶山集五十卷其題畫鵲橋仙詞一竿風月一簑煙雨家傍釣臺西住賣魚生怕近城門況肯到紅塵深處高逸之致流露言外弟恆字恆吉卽石田先生之父亦善詞翰

珊瑚網

名畫題跋

靜志居詩話

### 張翥

翬字翔南建德人徙居嘉興至正二十五年舉於鄉薦  
主甬東書院山長不就明初徵入禮局亦以疾辭有梓  
宇集蓋翬所居有巨梓徐一夔爲作記楊廉夫爲之題  
詠故卽以名其集其題王彥強破窗風雨圖踏莎行詞  
歇拍云相思鳩外綠簑寒一簾蕉響秋如水鍊語極工  
鐵網珊瑚畫品一靜志居詩話

金 綱

綱字子尚嘉興人元季中鄉舉洪武初知蘇州府事上  
疏請減賦額得罪賜死雅負詩名家有詠軒周致堯爲  
賦詩其題王彥強破窗風雨圖卷踏莎行詞亦具見工  
歷代兩浙詞人小傳

卷四

十

力萬姓統譜 靜志居詩話 鐵網珊瑚畫品

歷代兩浙詞人小傳卷四終



